

RELACIÓN Nº 4

Custo efectivo do traspaso*Xestión do Parque Nacional Marítimo-Terrestre das Illas Atlánticas de Galicia*

Custo efectivo do traspaso	Euros
Gastos:	
Gastos de persoal	877.149,16
Gastos en bens correntes e servizos	1.535.510,28
Investimentos	1.437.446,08
Custos indirectos	136.555,80
Total gastos	3.986.661,32
Ingresos:	
Taxas e prezos públicos	61,47
Total ingresos	61,47
Custo efectivo	3.986.599,85

Repercusión nos orzamentos xerais do Estado

Traspaso á C.A. de Galicia	Euros
Orzamento de gastos:	
Secretaría Xeral para o Territorio e a Biodiversidade:	
Capítulo IV. Transferencias correntes	2.412.597,97
Capítulo VII. Transferencias de capital ...	1.574.001,88
Total	3.986.599,85
Parques nacionais	
Capítulo I. Gastos de persoal	877.149,16
Capítulo II. Gastos en bens correntes e servizos	1.535.510,28
Capítulo VI. Investimentos reais	1.574.001,88
Total	3.986.661,32
Orzamento de ingresos:	
Parques nacionais:	
Capítulo III. Taxas, prezos públicos e outros ingresos	61,47
Total ingresos	61,47

MINISTERIO DE CIENCIA E INNOVACIÓN

11108 REAL DECRETO 989/2008, do 13 de xuño, polo que se regula a contratación excepcional de profesores colaboradores. («BOE» 158, do 1-7-2008.)

A Lei orgánica 6/2001, do 21 de decembro, de universidades, modificada pola Lei orgánica 4/2007, do 12 de abril, establece no seu artigo 48 que as modalidades de contratación laboral específica do ámbito universitario son as que se corresponden coas figuras de axudante, profesor axudante doutor, profesor contratado doutor, profesor asociado e profesor visitante.

No entanto, e mentres non se consolide a nova ordenación das ensinanza universitarias prevista no Real decreto 1393/2007, do 29 de outubro, diversos centros universitarios poderían encontrar dificultades para cubrir,

coas citadas modalidades de contratación laboral, determinadas necesidades docentes especiais.

Para tal fin, este real decreto vén dar cumprimento ao mandado contido na disposición transitoria segunda da Lei orgánica 4/2007, que prevé que o Goberno, logo de informe do Consello de Universidades, establecerá regulamentariamente as condicións e os prazos en que, de forma excepcional, as universidades poderán contratar profesoras ou profesores colaboradores entre diplomados, arquitectos técnicos ou enxeñeiros técnicos que, en todo caso, deberán contar con informe favorable da Axencia Nacional de Avaliación da Calidade e a Acreditación ou do órgano de avaliación externa que a lei da Comunidade Autónoma determine.

Nesta norma estableceuse como prazo límite para convocar concursos para as citadas contratacións o 3 de maio de 2013, data en que se cumpriran seis anos desde a entrada en vigor da citada Lei orgánica 4/2007, do 12 de abril, tempo suficiente para que se completase xa a implantación xeneralizada das novas ensinanzas.

O dito prazo persegue, ademais, ser compatible coas previsións contidas no Real decreto 1393/2007, do 29 de outubro, antes citado, en virtude das cales no curso académico 2010-2011 xa non se poderán ofertar prazas de novo ingreso para o acceso ás actuais titulacións. Deste modo o curso 2009-2010 será o último en que os estudantes poidan acceder ás ensinanzas conducentes á obtención de títulos de diplomado, arquitecto técnico ou enxeñeiro técnico, polo que na finalización do curso académico 2011-2012 tales estudantes estarán, con carácter xeral, en condicións de obter os citados títulos.

Por outro lado, como queira que no momento de entrada en vigor da nova lei había profesoras e profesores colaboradores contratados de acordo coas modalidades contractuais entón previstas, e tendo en conta que a nova redacción dada pola citada Lei orgánica 4/2007, do 12 de abril, suprimiu como modalidade de contratación laboral a dita figura, a disposición adicional terceira da dita Lei orgánica 4/2007, do 12 de abril, establece que os que no momento de entrada en vigor desta lei estean contratados como profesoras e profesores colaboradores de acordo coa Lei orgánica 6/2001, do 21 de decembro, de universidades, poderán continuar no desempeño das súas funcións docentes e investigadoras.

Finalmente, este real decreto prevé na súa disposición adicional primeira a posibilidade de que a contratación de profesoras e profesores colaboradores a que se refire este real decreto se poida estender a aqueles diplomados, arquitectos técnicos ou enxeñeiros técnicos que, con carácter previo á entrada en vigor da Lei orgánica 4/2007, do 12 de abril, pola que se modifica a Lei orgánica 6/2001, do 21 de decembro, de universidades, contén con informe favorable, como profesora ou profesor colaborador, da Axencia Nacional de Avaliación da Calidade e Acreditación ou do órgano de avaliación externa que a lei da Comunidade Autónoma determine.

Sobre este real decreto emitiron informe a Comisión Superior de Persoal, o Consello de Universidades e a Conferencia Xeral de Política Universitaria.

Optouse por que este real decreto estableza con carácter básico as condicións e os prazos en que, excepcionalmente, as universidades poderán contratar profesores colaboradores, por considerar que esta regulación resulta un complemento imprescindible das previsións contidas na disposición transitoria segunda da Lei orgánica 4/2007, do 12 de abril, pola que se modifica a Lei orgánica 6/2001, do 21 de decembro, de universidades, polo que constitúe un dos supostos en que resulta admisible a extensión do carácter básico ao ámbito regulamentario de acordo coa xurisprudencia constitucional.

Na súa virtude, por proposta da ministra de Ciencia e Innovación, coa aprobación previa da ministra de Administracións Públicas, de acordo co Consello de Estado e

logo de deliberación do Consello de Ministros en reunión do día 13 de xuño de 2008,

DISPÓÑO:

Artigo 1. *Obxecto.*

Este real decreto ten por obxecto a regulación das condicións e prazos en que, de modo excepcional, as universidades poderán contratar profesoras e profesores colaboradores, de acordo co previsto na disposición transitoria segunda da Lei orgánica 4/2007, do 12 de abril, pola que se modifica a Lei orgánica 6/2001, do 21 de decembro, de universidades.

Artigo 2. *Contratación de profesoras e profesores colaboradores.*

Con carácter excepcional e de forma motivada, as universidades poderán contratar, nos termos previstos neste real decreto, profesoras e profesores colaboradores en determinadas titulacións específicas que deben ser indicadas na convocatoria e que pola súa natureza e contido poidan ser atendidas por diplomados, enxeñeiros técnicos e arquitectos técnicos, para cubrir necesidades docentes singulares que non poidan ser atendidas a través das modalidades de contratación laboral específicas do ámbito universitario, previstas no artigo 48.2 da Lei orgánica 6/2001, do 21 de decembro, de universidades.

Artigo 3. *Condicións para a contratación.*

A contratación a que se refire o artigo anterior realízase entre diplomados, arquitectos técnicos ou enxeñeiros técnicos que, en todo caso, deberán contar con informe favorable emitido para o efecto pola Axencia Nacional de Avaliación da Calidade e Acreditación ou o órgano de avaliación externa que a lei da Comunidade Autónoma determine.

Artigo 4. *Réxime das convocatorias.*

A contratación de profesoras e profesores colaboradores levarase a cabo mediante as correspondentes convocatorias públicas realizadas polas universidades, que se axustarán ao establecido no artigo 48 da Lei orgánica 6/2001, do 21 de decembro, de universidades, neste real decreto, así como na regulación propia das comunidades autónomas, nos estatutos da universidade e demais normas xerais de aplicación. As convocatorias deberán precisar as titulacións concretas de diplomado, enxeñeiro técnico e arquitecto técnico que para cada caso se exixan e as actividades docentes singulares a que se refire o artigo dous deste real decreto, que deberá desempeñar o candidato.

Artigo 5. *Requisitos das candidatas e candidatos.*

As candidatas e candidatos a profesor colaborador deberán estar en posesión do título concreto que en cada caso exixa a correspondente convocatoria.

As universidades poderán exixir o cumprimento doutros requisitos específicos que garden relación obxectiva coas actividades docentes singulares que se vaian desempeñar que, en todo caso, se deberán establecer de maneira xeral.

No caso de títulos obtidos conforme sistemas educativos estranxeiros, o interesado deberá estar en posesión da credencial que acredite a súa homologación en España respecto daquel.

Artigo 6. *Prazos para a contratación de profesorado colaborador.*

As universidades poderán convocar concursos para a contratación de profesoras e profesores colaboradores nos termos previstos nos artigos anteriores ata o 3 de maio de 2013.

Disposición adicional primeira. *Acreditacións anteriores.*

A contratación de profesoras e profesores colaboradores a que se refire este real decreto poderase estender a aqueles diplomados, arquitectos técnicos ou enxeñeiros técnicos que, con carácter previo á entrada en vigor da Lei orgánica 4/2007, do 12 de abril, pola que se modifica a Lei orgánica 6/2001, do 21 de decembro, de universidades, contén con informe favorable, como profesora ou profesor colaborador, da Axencia Nacional de Avaliación da Calidade e Acreditación ou do órgano de avaliación externa que a lei da comunidade autónoma determine.

Disposición adicional segunda. *Contratos anteriores.*

De acordo co establecido na disposición adicional terceira da Lei orgánica 4/2007, do 12 de abril, pola que se modifica a Lei orgánica 6/2001, do 21 de decembro, de universidades, os que estiveron contratados como profesoras e profesores colaboradores de acordo coa Lei orgánica 6/2001, do 21 de decembro, de universidades, poderán continuar no desempeño das súas funcións docentes e investigadoras.

Disposición derradeira primeira. *Título competencial.*

Este real decreto dítase ao abeiro do disposto no artigo 149.1.1.^a e 30.^a da Constitución e en cumprimento do mandado previsto na disposición transitoria segunda da Lei orgánica 4/2007, do 12 de abril, pola que se modifica a Lei orgánica 6/2001, do 21 de decembro, de universidades, e é de aplicación en todo o territorio nacional.

Disposición derradeira segunda. *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 13 de xuño de 2008.

JUAN CARLOS R.

A ministra da Ciencia e Innovación,
CRISTINA GARMENDIA MENDIZÁBAL

MINISTERIO DA PRESIDENCIA

11879 REAL DECRETO 1178/2008, do 11 de xullo, polo que se establecen as bases reguladoras das axudas destinadas a explotacións gandeiras, industrias agroalimentarias e establecementos de xestión de subprodutos para a mellora da capacidade técnica de xestión de subprodutos de orixe animal non destinados ao consumo humano. («BOE» 168, do 12-7-2008.)

A publicación do Regulamento (CE) n.º 1774/2002, do Parlamento Europeo e do Consello, do 3 de outubro de 2002, polo que se establecen as normas sanitarias aplica-